

留都之元帝初即位呼韓邪單于復上書言民衆困乏

漢詔雲中五原郡轉穀二萬斛以給焉郅支單于自以

道遠又怨漢擁護呼韓邪遣使上書求侍子漢遣谷吉

送之郅支殺吉漢不知吉音問而匈奴降者言聞甌脫

皆殺之師古曰於甌脫得聲問云殺之○劉攽曰郅支殺谷吉漢不聞音問而降者言甌脫殺吉甌脫

屬呼韓邪故漢責其使也言皆者吉有徒衆呼韓邪單于使來漢輒簿責之

甚急師古曰簿責以文簿一責之也簿音步戶反明年漢遣車騎都尉韓昌

光祿大夫張猛送呼韓邪單于侍子求問吉等因赦其

罪勿令自疑師古曰疑者疑昌猛見單于民衆益盛塞

下禽獸盡單于足以自衛不畏郅支聞其大臣多勸單